

cxxiiii.

division de biens de rujol, de()daxeas

Aujourd huy **huictiesme** du mois de **may mil six cens trente cinq** environ midy regnant louys &a pardevant moy notaire royal soubz(sig)ne dans ma boutique en **villemur** &a personnellement establys **ysabeau** de **rujol** dudict villemur **andré daxea marchand** faisant pour et au nom d'**ysabeau** de **daxe sa filhe** absante et()**pierre bernadon** aussy marchand de ladicte ville procedant comme **mary** et conjointe personne **de magdalaine daxe** aussy **filhe dudict andré** lesquelles parties de gré intervenant reciproques stipula(ti)ons et accepta(ti)ons ont dict et declairé qu'entreux a esté faicte divizion et()partage des biens fondz donnés et legués ausdictes de **rujol et daxeas tante et niepces** par defunt m(aîtr)e david manne docteur et advocat en la cour situés dans la presant cille et environs d()icelle a ce non compris la metterie a eux preilhement leguée quy demeure pour encore en commung / par laquelle divizion faicte en trois lotz et()portions esgalles **est advenu a celle de lad(ite) rujol** ung jardrin sis pres **l()hospital saint jaques** de ladicte ville de la contenance de cinq coupades ou environ confrontant avec deux chemins tendant de la mesme ville audict hospital jardrin de dam(ois)elle margueritte de bessieres femme du sieur de mongairal jardrin des h(eriti)ers de feu anthoine timbal / **au lot de ladicte ysabeau daxe** est advenu une piece de vigne size dans le vignoble dudict villemur terroir appellé _____ de la contenance d'environ deux esminées confrontant avec ung eyéys ou petit chemin de service d'ung costé vigne de jean faure du fondz le ruisseau de vifranc et d'autre costé vigne des h(eriti)ers de guillaume mulois et **au lot & portion de ladicte magdalaine et()pierre bernadon maries** est advenu une maison size dans l'enclos de la presant ville et **rue droicte de**

.....
porte saint jean confrontant du devant avec ladicte rue d'ung costé maisons de louys darjou et de pierre falguiere du dernier une petite ruelle et d()autre costé maison de pol saignes ensemble une piece de terre du chenevier située dans la parroisse de mag(nan)ac et lieu appellé **a tourregut** contenant deux razées ou environ confrontant avec la riviere de tar(n) terre de sa mageste terre du sieur de rapin et chemin tendant dudict villemur a la moline de la roque & autres confronta(ti)ons legitimes sy point en y a ausdictz biens divizes lesquels lesdictes parties se bailhent respectivement avec leurs entrees yssues servittudes et appartenances generallement quelconques soubz les oublyes ou rentes et autres charges qu'iceux sont subiectz et parcé que les maison et chenevier advenus ausdictz bernadon et mag(dalai)ne daxe maries ont este trouves de plus grand valler que le jardrin advenu a ladicte rujol & que la vigne advenue a lad(ite)

ysabeau daxe a esté aussy trouvée de pareilhe plus grand
valléur que lesd(ites) maison et chenevier & par ainsy obligés a satisf(air)e
et faire raison a icelle rujol sa tante de ladicte moings valleur de
sa portion c()est pourquoy pour toute icelle moings valeur lad(ite)
ysabeau daxe promet et sera tenue payer a sad(ite) tante dans deux
ans prochains a compter des huy la somme de vingt livres t(ournoi)z moyennant
le payement de laquelle somme ainsy faict par lad(ite) ysabeau
daxe ledict partage et divizion des biens susdictz sera et demeurera
esgalizé dont lesdictes parties reciproquement se sont donnés et
donnent toute autre plus valleur quelle que soict de present
ou puisse estre a l()advenir ores excedat outre moitié du juste
prix par donna(ti)on faicte entre vifz a jamais yrevocable
d'iceux biens ainsy divizés se sont dessaizis et devestus
investus et()saizis l'ung l'autre par le bail de
ceste cede presentement faict en signe de possession

.....
cxxxv.

legitime pour par checun d()eux dors en avant en jouyr faire et
dispozer a ses plaizirs et volontes et en cas lesdictz biens ou partie
seroient quéréllés iceux seront desfendus a frais communs
et sy estoient évincés les parties en supporteront esgallement
la perte sauf sy elle estoict contre aucune d()elles car en ce cas
celle ou celles quy rester(oi)ct non evincées ser(oi)ct tenues pour ce quy
~~jeoneerne son~~ concernera son tiers d'indempnizer l'autre et d autant
que **le sieur recteur dudict villemur prethend et demande certaine
rente ou obit sur ladicte maison** mesmes en a obtenu condempna(ti)on
par sentence de la cour de monsieur le sen(ech)al de th(ou)l(ous)e ensemble des
arreirages pour certaines années passées a esté accordé entre
partyes que lesd(ictz) arreirages et rente courante sera desormais
paié et aquitté par lesdictz bernadon et daxéa maries sans que pour ce
ilz puissent prethendre aucun recours garentie ny desdomagement
contre lesdictz rujol et ysabeau daxe ains seront tenus de les
en tenir quittés et descharges envers led(it) sieur recteur et tous
autres qu()il app(artien)dra en considera(ti)on de ce qu'autrement lesd(its)
maison/ ^{et chenevier} / ont esté de plus grand valeurq(ue) checune des portions
cy dessus advenue ausd(ites) rujol et mag(dalai)ne daxe et ainsy le
present instrument a esté convenu et arrêté par lesd(ites) parties
lesquelles pour l'observa(ti)on ont respectivement obligés tous
et checuns leurs biens presans et advenir mesmes ledict
daxe par expres la piece de vigne advenue a ladicte
ysabeau sa filhe quy sera tenue en tiltre de prequaire jusqu'a
effectuel payement de la susd(ite) somme de vingt livres qu'ont
submis aux rigueurs de justice avec les ren(onciati)ons de droict requizes et
l'on juré a dieu par serement en presance de jean vaquier passemantier
et pierre custos dud(it) villemur signes avec ledict bernadon et moy d(it) no(tai)re
requis les au(tr)es parties ont dict ne sçavoir

Bernadon

Vacquier, p(rese)nt

Custos, p(rese)nt

Bascoul, not(aire)

(Mention marginale)

Advenu le **dernier**
de **no(vem)bre mil six cens**
quarante ung après
midy dans **villemeur** par(devan)t
moy d(it) no(tai)re establye en
personne **mag(dalai)ne daxia**
laquelle de gre a receu
reallement en soulz marqués
d'une fleur de()lis valant
cinq liartz checun
d'ysabeau daxia sa
soeur illec presante
la somme de dix livres
pour sa part quy est
la moytié de la somme
de vingt livres par
lad(ite) ysabeau promize
payer a **deffunte**
ysabeau de rujol
leur tante commune
pour les causes et
raisons contenues
au susd(it) contract
de division l'au(tr)e moitie
appartenant a lad(ite) ysabeau
daxia comme h(eriti)ere et
conjointemant et
esgallemant avec
lad(ite) mag(dalai)ne sa soeur
de lad(ite) de rujol rezultant
de **son dernier et**
valable testemant
retteneu ainsy qu'ont
dict **par esteverin**
no(tai)re de lad(ite) ville
les an et jour y
conteneus de laquelle
somme de dix livrés lad(ite) mag(dalai)ne daxia se contente et ne fait quittance a lad(ite)
ysabeau sa soeur avec promesse qu'il ne luy en sera rien plus demandé
presans m(aîtr)e jean coderc docteur en medecine anthoine regis pra(tici)en
jean bonnet dud(it) villemur lesd(its) coderc et regis signés avec moy no(tai)re
requis lad(ite) mag(dalai)ne daxia et bonnet ont dict ne sçavoir

J Coderc Regis, p(rese)nt Bascoul, not(aire)